

入地眼全書向法卷九

宋南昌辜託長靜道和尚著

瀑泉袁泰開 樹庭黃中楷

雲巖武中植 稔安袁豐年同參訂

理齋劉是訓 帖真徐孝先

東田萬樹華仁村氏編次

胞姪萬 基德修校字

陰宅圖說

陰宅不外河洛之理配合不外八卦之法龍穴砂水向

不外五字之真龍認生死穴認有無砂認粗秀水認曲
直向辨純疵此五法亦爲緊要知此五者改天命奪神
功有不測之機伏羲畫先天之卦爲河圖得乾一兌二
離三震四巽五坎六艮七坤八識天地之陰陽知世上
之吉凶禹王畫後天之卦故戴九履一左三右七二四
爲肩六八爲足以定八方之正隅知天地四時八節之
氣候文王之卜易用後天之八卦乾坎艮震巽離坤兌
二卦合而爲一則知天地之氣數世間之禍福黃石公
作翻卦乾離艮巽坎坤震兌定水之陰陽知人家之興

廢惟翻卦無一定之規總以斗柄七星爲主貪巨祿文
廉武破此七星之名七星之外又有左輔右弼二星加
入七星之內共成九星卦只八方星有九星故輔弼二
星其一卦其卦乾離坎坤爲四陽卦艮巽震兌爲四陰
卦陰向要四陰水路吉四陽水路凶四陽向要四陽水
路吉四陰水路凶其翻卦從向上起輔是輔武破廉貪
巨祿文陰向四吉星在艮巽震兌四凶星在乾離坎坤
陽向四吉星在乾離坎坤四凶星在艮巽震兌其星輔
武貪巨四星吉破祿文廉四星凶吉星便以吉來斷凶

星便以凶來推翻卦之法神乎其神烏有不靈驗者哉
九星斷語列于後是以聖人知天地陰陽畫卦以示後
人遵其教者習而明之無有不驗奈地理一道百不得
一而用之者不以爲德反以爲仇貶而削之所云用卦
不用卦用卦還是錯殊不知自不明其理胸無點墨先
聖豈有哄人者哉今特標明請列列老師往人祖山考
驗看其字向辨其水路用翻卦訣知其吉凶方信用卦
之妙總以淨陰淨陽爲主故云紅黑一盤詳水路宛來
不必辨龍神

納甲根源

每月合朔後哉生明白初三至初八日入土時月明一分是一陽生象震卦月在庚方故震納庚

每月上弦始生魄自初八至十二日入土時月明二分是二陽生象兌卦月在丁方故兌納丁

每月十五望月全明三陽俱足象乾卦自十三至十七日入土時月在甲方故乾納甲

每月望後曉明虧一陰生月暗一分象巽卦自十八至二十二日出卯時月在辛方故巽納辛

每月下弦月半虧自二十三至二十七二陰生月暗二分象艮卦日出卯時月在丙方故艮納丙

每月下弦後二十八至三十日月純黑無光三陰俱足象坤卦至次月初二日未明月在乙方故坤納乙

納甲

乾納甲壬己

坤納乙癸戊

艮納丙

巽納辛

子坎也坎納申辰癸戊

午離也離納寅戌壬巳

卯震也震納亥未庚

酉兌也兌納巳丑丁

西京出京臨曰北丁

東雲也雲作及未與

平猶出猶臨前為王曰

平對出對臨中是德氣

天一生水

天一生壬水地六癸成之先天
 乾納壬坤納癸癸地也壬天也
 一生一成夫婦之道天地交泰
 萬物發生坎瑩得此水城者故
 主富貴斷曰子癸二水生六指
 固聚澄凝發富真寅水長生旺
 丁財龍真局秀貴自來



地六成之

先生而後成乾三爻屬陽萬物
資始坤六爻屬陰萬物資生坎
得乾之陽爻在內離得坤之陰
爻在中故坎爲中男離爲中女
乃後天之夫婦坎望得此堂局
主大富貴壬水驟富堪救貧
文武全才爲公卿




地二生火

地二生丁火天七丙成之丁納
 兌丙納艮少男少女夫婦相配
 丁寄離明之位南極老人一星
 下照丁地坎瑩有此堂局主少
 年發達壽考齠齡六丁水朝來
 南極星男女康寧最多壽丙丁
 二水名赦文少年爲官轉公卿




天七成之

丁生而丙成丙艮也丁兌也艮
 爲山兌爲澤故得山澤通氣之
 局丙在九紫之傍太微一星下
 照丙地丙水朝來定主富貴雙
 全人財兩旺丙水朝來多福
 壽皇恩浩蕩叨原宥丙丁救文
 家無禍八個歸元水最秀



天三生木

天三生甲木地八乙成之甲陽
木乙陰木甲乾也乙坤也乙木
乾來非小可太陰一星赤在右
陽衡一星赤在左二星夾輔故
催官第一乙水朝來可催官
狀元宰相姓名揚名利顯達多
富貴招得皇姑滿心歡



地八成之

先生後成甲乃東方之陽木天
干之首乙木次之時令仲春天
帝司甲故甲水朝來與眾水不
同北斗第五星下照主文章之
府宰相之宮甲水朝來發富
貴乙向得之實爲美蜚聲魁第
狀元郎蓋世文章人驚畏



地四生金

地四生辛金天九庚成之辛納
 與庚納震震長男與長女夫婦
 相配秉鎮主事辛水朝來乃文
 章之府天乙貴人之治內有文
 昌一星下照辛地 辛水主秀
 發文章少年科第姓名香更有
 如花女人貌翰林學士稱龍光



天九成之

庚震也震爲雷辛巽也巽爲風雷
動風散故稱鼓舞庚在龍德之宮
傍有二星赤下照庚地凡庚水朝
來定產威武權謀之士忠勇果毅
之人應此坎塋者 震龍庚水也
催官武士取貴亦非難艮龍庚水
富堪敵國雷動天潢才堪文武

